



ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՅԱՆԳՆԵՐՈՒ ԱՐԵՄՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: Prelacy@aol.com Website: www.westernprelacy.org



ՀԱՅԱՍՏԱՆԻ ՄՕՏ ՄԻԱՑԵԱԼ ՆԱՅԱՆԳՆԵՐՈՒ ԴԵՍՊԱՆ ՄԱՐԻ ԵՈՎԱՆՈՎԻՉ ԱՅՑԵԼԵՑ ԱԶԳԱՅԻՆ ԱՌԱՋՆՈՐԴԱՐԱՆ

Հայաստանի մօտ Միացեալ Նահանգներու դեսպան Մարի Եովանովիչ Չորեքչաբթի, 13 Հոկտեմբերի յետմիջօրէին այցելեց Ազգային Առաջնորդարան եւ ընդունուեցաւ Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեանի ու ժողովականութեան ներկայացուցիչներու կողմէ:

Յարգելի դիւանագետը Ազգ. Առաջնորդարան ժամանեց ժամը 1:30ին, ընկերակցութեամբ իր օգնականներէն Սիւզըն Զրիսթիի եւ Ճէֆ Բարեշանի: Ան Առաջնորդ Սրբազանին հետ ունեցաւ կարճատեւ հանդիպում մը: Այնուհետեւ, Առաջնորդ Սրբազանն ու հիւրերը ուղղուեցան «Տիգրան եւ Չարուհի Տեր Ղազարեան» սրահը, ուր համախմբուած էին Ազգ. Առաջնորդարանի մեծ ընտանիքին ներկայացուցիչները: Ներկայ էին Ազգ. Կեդրոնական Վարչութեան անդամ Տիար Վահէ Եագուպեան, Կրօնական Ժողովի, Ազգային Վարչութեան, Ազգային Վարժարաններու Խնամակալ Մարմինի, եկեղեցիներու հոգաբարձութեանց ներկայացուցիչները, Ազգ. Վարժարաններու տնօրէններ, Տիկնանց Օժանդակ Մարմինի անդամներ, Յանձնախումբերու ներկայացուցիչներ եւ բարերարներ ու բարեկամներ: Տիկնանց Օժանդակ Մարմինը պատրաստած էր կոկիկ հիւրասիրութիւն մը:

Առաջնորդ Սրբազանը ողջունեց Մարի Եովանովիչը, յիշեցնելով, որ աւելի քան տարի մը առաջ դարձեալ եղած էր ազգային այս հաստատութեան հիւրը: Ան վեր առաւ դեսպանին ծառայական առաքելութիւնը եւ նշեց, թէ հայութիւնը օրը օրին կը հետեւի Հայաստանի ու Արցախի իրադարձութիւններուն, ակնկալութիւններ ունի մանաւանդ Տեղասպանութեան ճանաչման գծով:

Ողջոյնի խօսք արտասանեց նաեւ Ազգ. Կեդրոնական Վարչութեան անդամ Տիար Վահէ Եագուպեան: Ան գոհունակութիւն յայտնեց, որ դեսպան Եովանովիչ կը հիւրընկալուի Ազգ. Առաջնորդարանի յարկին տակ, զոր ինք կը նկատէ իր երկրորդ տունը, մանաւանդ, որ այլապէս յաճախ անոր կը հանդիպի Հայաստանի մէջ: Ան անդրադարձաւ հայութեան ակնկալութիւններուն եւ աւելցուց, որ դեսպանին դիմաց դրուած կաշկանդումները հասկնալի են, սակայն նաեւ յուսալի է, որ երբ ան աւելի բարձր պաշտօններու հասնի, մնայ հայութեան բարեկամն ու գործի ուղեկիցը:

Այնուհետեւ խօսք առաւ դեսպան Եովանովիչ: Ան առաջին հերթին շնորհակալութիւն յայտնեց հիւրընկալումին համար, նշելով, որ հակառակ աշխատանքի ժամ ըլլալուն, բազմաթիւ ներկաներ կը հիւրընկալեն զինք Ազգ. Առաջնորդարանի յարկին տակ: Այնուհետեւ, ան ըստ բաւականին մանրամասն տեղեկութիւններով անդրադարձաւ Զայաստանի տնտեսական, քաղաքական իրադրութեանց եւ բարգաւաճման ընթացքին, այդ բոլորին մէջ ամերիկեան կառավարութեան աջակցութեան ու ակնկալութիւններուն, այն իմաստով, որ Զայաստանի մէջ ժողովրդավարութիւնը գտնէ ամբողջական կիրարկում, մարդկային իրաւունքներու յարգումն ու երկրի ապահովութիւնը բարելաւում ապրին: Ան յայտնեց, թէ Լոս Անճելըս ժամանած է ամերիկեան այլ քաղաքներ այցելութենէ ետք, հաղորդակից դարձած է հայութեան մտահոգութիւններուն ու մտասուեռումներուն:

Ամերիկացի դիւանագետը ընդհանուր ակնարկ մը նետեց Զայաստանի տրամադրուած ամերիկեան օժանդակութիւններուն, սկսելով երկրաշարժի տարիէն մինչեւ յետ-անկախութեան շրջանը: Ան յայտնեց, որ ամերիկեան աջակցութեան նպատակներուն շարքին է Զայաստանի մէջ գործի առիթներու ընդարձակումը, արտադրողականութեան բարելաւումը եւ արտածումներու քաջալերանքը: Ան վեր առաւ նաեւ Միացեալ Նահանգներու եւ ՆԱԹՕի հետ Զայաստանի ապահովական գործակցութեան աշխատանքները, նշեց, որ Ուաշինկթըն կը ցանկայ, որ Զայաստանի եւ Թուրքիոյ միջեւ յարաբերութիւնները բարելաւում ապրին ու գործակցութիւնը զարգանայ ի նպաստ երկու երկիրներուն, սահմանին երկու կողմերուն միջեւ շարժում ստեղծուի ու ատիկա յարաբերութեանց բարելաւման գործօն մը ըլլայ:

Իր խօսքի վերջին բաժինով, դեսպան Եովանովիչ անդրադարձաւ Արցախի հարցին ու Նորագոյն զարգացումներուն, ի շարս որոնց՝ զինադուլի խախտումի դէպքերուն. ան ըսաւ, որ միջնորդ կողմերը կ'աշխատին բանակցային ուղին յառաջ մղել եւ կողմերը ի մի բերել դէպի լուծում տանող ճամբուն մէջ:

Ներկաները առիթ ունեցան հարցումներ ուղղելու դեսպանին, որ մանրամասն լուսաբանութիւններ տուաւ զանազան հարցերու եւ աշխատանքներու մասին:

Հրաժեշտի պահուն, ներկաները ունեցան միացեալ խմբանկար մը:

AMBASSADOR MARIE YOVANOVITCH VISITS THE PRELACY

On Wednesday, October 13th, 2010, H.E. Archbishop Moushegh Mardirossian, Prelate, welcomed to the Prelacy Ambassador to Armenia H.E. Marie Yovanovitch, accompanied by aides Susan Christy and Jeff Parechan.

Following a private meeting, the Prelate and Ambassador headed to the "Dikran and Zarouhie Der Ghazarian" Hall where Prelacy representatives and friends had gathered. Among the attendees were Central Executive Council member Mr. Vahe Yacoubian, members of ARF Central Committee, Clergy, Executive Council, and Board of Regents, Parishes' Chairmen, Prelacy

Schools' principals, Ladies Auxiliary members, sponsors, and friends. The guests were hosted to a reception organized by the Prelacy Ladies Auxiliary.

The Prelate welcomed Ambassador Yovanovitch, noting that this was her second visit to our home and the community in just over a year, and conveyed the expectations of the Armenian people with regards to Armenia, Artsakh, and the Genocide.

Mr. Yacoubian also welcomed the Ambassador, whom he noted he has met with on prior occasions in Armenia. Like the Prelate, Mr. Yacoubian also spoke of the expectations the community has, and added that though the pressures she faces are understandable, he is hopeful that she remains a friend of the Armenian people with our best interests in mind no matter what position she holds.

Ambassador Yovanovitch was then invited to deliver her remarks. After expressing her thanks for the warm welcome and reception, Ambassador Yovanovitch spoke in great detail about the current economic and social climate of Armenia. She noted that prior to arriving in Los Angeles she visited a number of other Armenian communities and understands the concerns of the Armenian people, which she will convey to leaders in Washington in a few days.

Ambassador Yovanovitch also spoke of American aid to Armenia, from the days following the earthquake to the present, which serves primarily to create jobs and increase and encourage exports, and stimulate the economy. She also spoke highly about the ongoing partnership between the United States and NATO with regards to the safety of Armenia, stating that Washington would like to see normal relations and ties established between Armenia and Turkey and for cooperation to exist between the two for the benefit of both countries

A question and answer session followed.